

## HARAN SUBATLANTIKOAK

ARABA

A.9

# Uribarri–Ganboako urtegia



**Urtegi artifizial hau 1957.** urtean hasi zen funtzionatzen, Bilboko eta Gasteizko hirigune handiak urez hornitzeko. Denboraren poderioz, haren hodian lokatza eta lohia finkatu dira, eta horietan era askotako uretako fauna, negutarra,

migratzailea eta habiagilea, elikatzen duten hainbat landaredi mota garatu dira. Naturaren ikuspegitik hegoaldea da eskualderik interesgarriena; hain zuzen, Maturana, Marieta–Larrinzar eta Mendixurreko landagunen ingurukoa.



FIGURA ETA NEURRI BABESLEAK

- RAMSAR (2002, urtegiako isatsen eremua) // IKT (Interes Komunitarioko Tokiak).

### LANERAKO GAIAK

- Azpiegitura hidraulikoa: urtegiak, edateko ura banatzeko sarea.
- Uraren kudeaketa egungo gizartean: horniketa, erabilerak eta gehiegizko erabilerak.
- Ur garbia eta ur zikina: uraren kalitate ekologikoa, parametroak, hondakin–mailak, kutsadura.
- Eutrofizazio–prozesua: kontzeptua, alderdi positiboak eta negatiboak.
- Egungo landaredia eta izan daitekeena: hariztia eta ibaiertzeko landaredia.
- Uretako landaredia: landarediaren garrantzia urtegiaren erabileretan eta animalien biziraupenean.
- Mendixurreko Parke Ornitologikoa: hegaztien behaketa (morfologia, elikadura, azturak), enklabe honek hegaztien migrazioan duen garrantzia, ingurunearen harrera–ahalmena.
- Txikiaren garrantzia: ornogabeen komunitatea urtegian.
- Ingurunearen olgeta–erabilerak: jendetzak eragindako arazoak, ingurunearen zaintzarekin bateragarriak diren erabilerak.